

sol doch dieser Vnrath? Man könnte das Was-
ser mehr denn vmb drey hundert Groschen ver-
kaufft haben/ vnd dasselbe den Armen geben.
Vnd murreten vber sie. Da das Jesus merck-
te/ sprach er zu ihnen: Laßt sie zu Frieden/ was
bekümmert ihr das Weib? Sie hat ein gut
Werck an mir gethan/ Ihr habet allezeit Arme
bey euch/ vnd wenn ihr wolt/ köndt ih. ihnen
guts thun/ Mich aber habt ihr nicht all zeit/
Sie hat gethan/ was sie gekundt. Denn daß
sie diß Wasser hat auff meinen Leib gegossen/
damit ist sie zuvor kommen/ meinen Leichnam
zu salben zu meinem Begräbniß. Wahrlich/
ich sage euch/ wo das Euangelium geprediget
wird in aller Welt/ da w. man auch das sa-
gen zu ihrem Gedächtniß/ das sie jetzt gethan
hat.

Es war aber der Satanas gefahren in
den Judas genandt Ischarioth/ der da war
aus der Zahl der Zwölffen. Vnd er g. enghin/
vnd redet mit den Hohenpriestern/ vnd mit
den Hauptleuten/ daß er ihn verriech/ vnd
sprach: Was wolt ihr mir geben/ ich wil ihn
euch verrathen? Da sie das hor. ten/ wurden